

七經同卷

九光經

土曜經

五星秘授經

北斗本生經

長生經

證果經

續命經



七經同卷

玉清元始玄黃九光真經

元始天尊說十一曜大消災神呪經

太上洞真五星秘授經

玉清无上靈寶自然北斗本生真經

太乙元真保命長生經

太上元始天尊證果真經

太上元始天尊說續命妙經

玉清元始玄黃九光真經

大羅高天玄黃玉文盤結萬炁金玉璀璨侍
香金童傳言玉女飛雲成蓋散香成樓中有
神君與我為傳元始保命太上司喉青衣姹
女純陽玉童共鍊正炁歸于道宗層層峨峨

長八

玉京宸闕杳靄大梵超越衆天非无非有真
體自然降神流世為人精蒐陽蒐護精陰蒐
育血精血純全至陽內備乘彼凡質復歸无
物浩浩真體大合太空空中有象真體玄融
抱一守真真體不變既來不隨倏去无戀无

中有體體法真空真无妙理與道符同聖行
純備功德圓熟出没自我化俗成真所化緣
盡復歸高清晰高清晰天上上无復色以神為體
以空為宅神我遍空如波涵月道合无為求
真問宅三界大魔瞻仰稽首非魔所測當盡
不惑九天真聖諷誦此文誦經得福助真超
神至神无我至道无名巍巍大道萬法真宗
九陽天真六陰幽鬼福業不同聞我妙呪兩
耳皆通我今稽首萬劫道祖

元始天尊太上道君太上老君五宮黃老三

玄丈人飛天神王妙行真人左右真人太乙
真君十方天尊諸天上帝一切苦惱及所希
求保身養命洞徹明幽聞誦一過同力扶衛
玉童玉女記過書名名登仙籍所向皆成元
臺真人直奏天官曰此經乃玉經中髓天上

辰八

二

衆真有職務者以大經統計二百六十餘卷
難可常誦撮其要妙三百餘字而常誦之以
子心希大道仰慕瓊文發我心絨開新爾志
使汝誦之精血內凝形神和合邪魔隱避二
炁交清自然神聞玉書歡和戀殼久而神炁

相合凝神爲體聚精爲質神非可見之精神
非有形之精真所謂神中之精神中之精凡
有所執非我所云勤而行之寶而奉之家藏
一紀或至二紀俟當天運擇有道焉

元始保命大君太上左臺神侯真君降曰復
有秘呪直奏不言以我玉經未敢擅行昔

元始天尊嘗居始青天內說大梵真音普度
萬靈神呪曰

唵元始生天唵元始生地唵元始生人三才
備位萬物紛紜人不保生化爲陰神神炁不

全流爲下鬼唵下鬼聞我玉音鬼形即滅舍
彼鬼形生我天宅唵人道聞我玉音頓捨人
業長生神仙與天地同壽與日月合明一身
被福七祖蒙榮既度七祖身劫玉清唵天道
聞我玉音天福頓增宿業永盡不墜下天常
辰八
居玉清急急一如

元始上帝嚴勅二教合一唵急急一如
清淨法身毗盧遮那大聖主勅此呪名曰混
元劫一普度萬靈神呪萬神之祖一炁之宗
唵爲世界種真之炁呪而保命无所不辟无

所不成生天生地化育群品爲福惠基解厄
延壽解脫先業福蔭見存形神俱妙一炁俱
清漸入无爲之境性无累德與道合明萬神
歸仰群魔束形勤誦此經无不度也
玉清元始玄黃九光真經

